

## CAIS AM ARTIST

Bydd y Gwobrau Cymunedau Bywiog cyntaf yn dathlu rhagoriaeth ym myd chwaraeon a diwylliant yn Sir Ddinbych. Bydd y digwyddiad yn cael ei gynnal yn Theatr Pafiliwn y Rhyl ym mis Tachwedd 2023.

### Ynglŷn â Hamdden Sir Ddinbych (HSDd):

Gweledigaeth ac amcanion ein cwmni ni yw canolbwyntio ar ddarparu cyfleoedd hamdden hygyrch o ansawdd uchel sy'n denu lefelau uchel o gyfranogiad a gwella lles trigolion ac ymwelwyr Sir Ddinbych.

Mae'n ddyletswydd arnom ni i greu rhagor o weithgarwch drwy ein cyfleusterau ni sy'n arwain at wella lles pobl, a chyflawni targedau ar gyfer twf gweithgareddau ac incwm. Rydym ni wedi ymrwymo yn yr un modd i gefnogi cymunedau cryfach ac iachach drwy ein gweithgareddau Cymunedau Bywiog, yn ogystal â mynd i'r afael ag anghenion cymdeithasol y mae angen ymyrraeth briodol ac arbenigol arnynt.

Mae tair elfen bwysig a phenodol i Hamdden Sir Ddinbych - Ein Cymuned, Ein Pobl ac Ein Busnes, ac mae'r rhain yn dylanwadu ar y ffordd yr ydym ni'n gweithio a pham y crëwyd y Cwmni. Caiff y Cwmni ei gydnabod am ei gyfraniad gwerthfawr i'n cymunedau, y ffordd mae'n gweithio â'i bartneriaid a busnesau eraill, ac yn bwysicach fyth, y ffordd y mae'r Cwmni yn gofalu am ei weithlu a'i ddatblygu.

Gwnaeth Hamdden Sir Ddinbych drefnu Gwobrau Chwaraeon Cymunedol Sir Ddinbych yn flaenorol gan wneud hynny'n llwyddiannus. Cafodd y gwobrau hyn eu cynnal bob blwyddyn ym Mhafiliwn Llangollen i ddathlu llwyddiannau ac ymroddiad y gymuned chwaraeon yn Sir Ddinbych. Ar gyfer ein Gwobrau Cymunedau Bywiog newydd, byddwn ni'n symud i dref glan môr y Rhyl a Phafiliwn y Rhyl – gyda chefnogaeth ein bwyty sef 1891.

Bydd hwn yn ddigwyddiad mawreddog i ddathlu cymunedau Sir Ddinbych a'r bobl sy'n byw yma. Bydd sylw arbennig yn cael ei roi i unigolion sydd wedi gwneud gwahaniaeth neu wedi cyflawni rhywbeth ym myd chwaraeon neu weithgarwch corfforol, y celfyddydau a diwylliant. Bydd mwy na phedwar cant o westeion yn dod i'r digwyddiad yn Theatr Pafiliwn y Rhyl, gan gynnwys pobl leol, partneriaid a busnesau lleol yn ogystal â phawb sydd wedi'u henwebu am wobrau a'u teuluoedd.

Mae Hamdden Sir Ddinbych yn dymuno comisiynu artist proffesiynol neu artist sydd ar fin cychwyn gyrfa i greu deuddeg o dlysau a fydd yn cael eu cyflwyno i enillwyr pob categori. Bydd cyfanswm o £3,600 + TAW yn cael ei dalu am y comisiwn hwn. Bydd y tâl yn mynd tuag at holl gostau'r gwaith dylunio, deunyddiau, cynhyrchu, pecynnu a chludiant.

## CAIS AM ARTIST

### Meini prawf ar gyfer y dyluniad:

- Dylai'r tlysau fod yn unigryw ac yn addas i ddathlu llwyddiant cymunedau Sir Ddinbych ym myd chwaraeon a diwylliant;
- Dylai'r tlysau fod yn ddeniadol ac o werth i'r rhai sy'n eu derbyn nhw, a dylen nhw fod yn addas i'w harddangos yng nghartrefi'r enillwyr neu eu clybiau nhw;
- Dylai'r deuddeg o dlysau fod yn debyg o ran arddull ond nid oes yn rhaid iddyn nhw fod yn union yr un fath â'i gilydd;
- Dylai'r tlysau fod yn rhwydd i'w harddangos yn y seremoni ac yn ddigon bach ac ysgafn i allu eu cyflwyno a'u cario nhw'n gyfforddus. Dylai'r tlysau fod rhwng 9 a 14 modfedd o uchder. Byddem ni hefyd ystyried dyluniadau 2D yn ogystal â thlysau traddodiadol;
- Dylid darparu deunydd pacio â phob tlws fel bod modd i'r enillydd ei gludo;
- Mae'n rhaid i bob tlws gynnwys ymadrodd fel 'Gwobrau Cymunedau Bywiog Hamdden Sir Ddinbych 2023 / DLL Active Communities Awards 2023' ynghyd ag enw'r categori yn ddwyieithog.

- Gwirfoddolwr y flwyddyn
- Ysgol gynradd y flwyddyn
- Ysgol uwchradd y flwyddyn
- Hyfforddwr Chwaraeon y flwyddyn
- Clwb Chwaraeon y flwyddyn

Prosiect Celfyddydau mewn Iechyd Gorau

- Prosiect Creadigol Cymunedol Gorau
- Gweithle Bywiog y flwyddyn
- Ysbrydoliaeth Ifanc
- Gwobr Rhagoriaeth - Person ifanc
- Gwobr Rhagoriaeth - Oedolion
- Cyrhaeddiad Oes

- Gellir cynnwys yr ymadrodd yn nyluniad y tlws ei hun neu'i osod ar blinth os yw hynny'n fwy addas;
- Mae'n rhaid danfon y tlysau i gyd erbyn dechrau mis Hydref 2023 fan bellaf. Bydd angen i chi feithrin cyswllt â Hamdden Sir Ddinbych wrth ddylunio'r tlysau a darparu enghraifft neu brototeip ddechrau'r haf.
- Mae'n rhaid i'r artist fod yn fodlon cydweithio â Hamdden Sir Ddinbych ar unrhyw gyhoeddusrwydd sy'n gysylltiedig â'r comisiwn;
- Mae'r comisiwn ar agor i artistiaid sy'n byw ac/neu'n gweithio yn Sir Ddinbych neu artistiaid sy'n hanu'n wreiddiol o Sir Ddinbych ond sydd bellach yn byw/gweithio yn rhywle arall.

## CAIS AM ARTIST

Os oes gennych chi ragor o gwestiynau am y briff hwn, mae croeso ichi ffonio Sian Fitzgerald, Rheolwr Celfyddydau Cymunedol, ar 01824 708216 / 07717 540857 neu anfon e-bost at [sian.fitzgerald@denbighshireleisure.co.uk](mailto:sian.fitzgerald@denbighshireleisure.co.uk)

Mae'n rhaid cyflwyno cynigion yn ysgrifenedig gan gynnwys darlun/darluniau o'r tlws/tlysau erbyn hanner dydd, ddydd Llun, Mehefin 19eg 2023. Ni chynigir tâl am gyflwyno cynnig.

Dylid anfon cynigion i:

Hamdden Sir Ddinbych Cyf.  
Uned A8-11  
Trem y Dyffryn  
Stad Ddiwydiannol Colomendy  
Dinbych  
Sir Ddinbych  
LL16 5TX

Fel arall, gellir anfon cynigion ar e-bost at:  
[sian.fitzgerald@denbighshireleisure.co.uk](mailto:sian.fitzgerald@denbighshireleisure.co.uk)